

علوم اقتصادی و اجتماعی

مجموعه علم

در آیت برنجی کونی لیسراولنور

مؤسسه

احمد شعیب، رضا نوید، محمد جبار

موضوعات

رویه : احمد شعیب . - استقرائات مقاوله نامہ لری . - اصول
مکوکات عثمانیہ : ابن الحنفی لعلی . - زراعت استانیستیک لری
نسل بایبلور : جمال . - حکومت و حراثت حلقہ سہ سرک
فلسفہ : رضا نوید . - اخلاق کیر : احمد شعیب . - بودجه
حقنک تازی : دارالعلوم مظاہرین زہدی . -

مدیر و صاحب امتیازی :

محمد جبار

اسطغی : ۱۰ غروش

استانبول

امور اداره و تحریر : طابک مطبعہ

۱۳۲۵

روسیه

تبعات محیط و معنیه

۳

بر مملکتک استقبالی یالکز محیط مادی تعین ایدمهتر . عرقک سجایای مشترکه سنکده بویوک بر تأثیری واردر . روسیه ، بویوک بر امپراطورلق تشکیل ایدمه بیلیمک ایچین طبیعتک پک چوق لطفنه مظهر اولدیغنی سوبله مشدم ؛ لکن عجا تاریخ ، بورایه شایان حیرت بر ملت یا پمغه مستعد و مقتدر بر عرق سوق ایتدیمی ؟ و بو عرق منشأ اعتباریله آوروپایه می یوقسه آسیایه می منسوبدر ؟ اصلاً آوروپا ایله بر صهریته مالکسه بوسایه ده آوروپا مدنیتته قارشى بر استعداد فطریسی واردر ؛ یوق قان نقطه سنندن اکر آوروپا عالمه سنک تریه سنه بیکانه ایسه مدنیت غربیه دن اقتباس ایلجه کی البهلر ایچنده آسیائی بر قوم کی قالمغه محکومیدر ؟ هنوز دهاسنی اظهار ایدمه مین یکی بر ملتی طامیق اونی ترکیب ایدن عناصر اصلیه نی بیلیمکه متوققدر . اولا شو اساسی قبول ایتمه لیدرکه طور اغک ماده اولان وحدتی وحدت سیاسیه نی ده تأمین ایدمه بیلیمک ایچون کافی دکلدر . اهالی آراسنده قان وفکر اعتباریله بر درجه قرابت ، بر اتحاد مادی و معنوی اولمالیدرکه اتحاد سیاسی و ملی حصوله کله نیلسین .

روسیه ده انکلتزه و فرانسه کی صیقی بر قومیت وارمی ، یوقسه تورکیه و آوستریا کی هر برینک عنعنات تاریخیه و اخلاق و عاداتی مختلف قوملردنی مرکبدر ؟ اساساً روس طور اغی اتحاد ایچین یا بیلیمشدر . هیچ بر مملکتک سطحی اودرجه متجانس دکلدر . لکن عینی زمانده ده همان هیچ بر یرده اوقدر مختلف عرق یوقدر . روسیه نك هر نقطه سنده کورولن تضاد بو خصوصده ده ازیاده در . مملکتک هر طرفه بر چوق عرقلر ، ملتار ، قبیله لر طاغیلیمشدر ؛

اوراده آسیا ایله آوروپا نك بوتون معتقدات و مذاهبنه تصادف ایدیلیر .
 بوقدر مختلف عرقلرک سبب موجودیتنی روس طورراغ نك شکل خارجیسی
 ایضاح ایدر . روسیه مهم حدود طبیعییه مانك اولمادیئندن بوتون استیلارله
 قارشى كشاده آسیادن آوروپایه طوغرواك بویوك بر طریق مهاجرتدی .
 روسیه نك شكلى كندیسنی بوتون استیلارله معروض قیلدینی حالده طورراغ نك
 بنیه سی ده مستویا نك بوراده ملل مستقابه حائنده تشككنه مانیدی . عروق
 و قبائل روسیه ده كرتی بر میراث تاریخیدر . بو مختلف قیللر و عرقلر
 طورراغه تطابقدن و یا محیط خارجی ایله هم آهنگ اولمقدن چوق اوزاقدی .
 طبیعت عروقی تنوع ایده جك یرده قریب و توحید ایدیوردی . بوقبائل
 مختلفه نك آیری آیری طویلانه رق منفرد و سر آزاد بر حیات یاشامالری
 ایچین لازم كلن حدودلری طورراق چیزمكدن امتناع ایتشدی : بحر
 منجمد شمالی ایله قره دكز ، بحر بالطق ایله اورال آراسنده هیچ بر طاغ
 بوقدر ؛ بوتون بو اووالرده اقوامه چرچیو نك ایده بیله جك هیچ بر حدود
 طبیعی موجود دكلدر ، روسیه نك سطحه اقوام مختلفه کیفی بر صورتده
 یایلمایه مجبور اولمشلدر . عادات ؛ السنه ، ادیان بو آدملری یكدیكریله
 اختلاطدن منع ایتدیكى حالده بر برینك یاننده یاشامق ، حتی اولنك
 مجبوریتده ایدیلر . ایسته بوندن دولایى دركه روسیه ده كی اقوام و قبائل نام
 بر شخصیت ملیه اكتساب ایده مه مشاردر . عصر لردن بری دوام ایدن بو امتزاج
 و اتحاددن خریستانیت ایله موسقوا حاكیمت ك تحت تأثیرنده میدان روس قومی
 چیقمشدر . ۶۵ ویا ۷۰ میلیونن مرکب اولان بو كته معظمه نك اقوام
 سائریه قارشى موقعی اوتیسنه بریسنه كوچك آطلر سر یلمش بویوك
 بردكزه بگزدر .

روس قومك حین تشكیلنده عجبا عناصر مختلفه نك حصه سی نه نسبتده در؟
 روس اتنوگرافیسنده باشلى اوج عنصر واردر . فینوآ ، تاتار ، اسلاو .
 موسویلر ، آلمانلر ، رومه نلر ، قالموقلر و قاقاسیه ده كی اهالی محلیه خارج

اولیٰ اوزرہ ازمنہ ماضیہ روسیہ استیلا ایدن و بوکون اورادہ اقامت ایدن اقوام و قبائل مختلفہ اساساً ایستہ بواوچ عرقدن برینہ مربوطدر .
 فینو آ و قیلہ روسیہ نک الہویوک برقسنہ منتشر بولونان ام تورانیہ دن معدود بر طاقم اقوامک اسم عمومیسیدر . بوعائیک مبداء حرکتی اورال و آلتای سلسلہ جبالی آراسیدر . اصل مونغوللریہ تاتارلردہ فینو آلرکی اورال آلتایک غروی میاندددر . لکن بوہیات مجموعہ اقوام آریانیہ و سامیہ کی عینی تجانی اراء ایتز . اغصان مختلفہ سی آراسندہ کی قرابت مثلاً لاتین و جرمنلر یئندہ کی مشابہتدن دہا آزددر . بوکون فینو آلر آوروپادہ نوروجک شمال غربی سواحلدن باشلایہرق روسیہ دہ فینلاندہ ، استونیہ ، لیونیہ ، قورلاندہ خطہ لرندہ یعنی بالطق دکنینک سواحل شرقیہ سندہ و روسیہ نک منہای شمالیہ شمال شرقی جہتدہ یعنی پیور اوٹاما حوضہ لرندہ و اورال سلسلہ جبالک نصف شمالینک ایک مائہ سیلہ سیر یادہ اوبی حوضہ نک نصف شمالیندہ و تونغوستہ ملتقاسدن آشای اولہرق یینی ایرماغک ایک طرفدہ تاققانغہ بحر اسنہ قدر منتشردر . بو اقوامک مجموع افرادی بش و نہایت آلتی میلیونہ بالغ اولوب اون ایک مختلف قبیلہ بہ منقسمدر . قسم اعظمی واکمدنیلری فینلاندہ ایلہ روسیہ نک بالطق ایانندہ ساکن اولانلریدر . روسیہ نک شمالندہ و سیر یادہ بولونانلری ایسہ سنہ نک اکثر آیلرندہ قارلر و بوزلرلہ مستور توندردلردہ ساکن ویا اورالزدہ بالیق و آو آرقہ سندہ طولاشیر و رمن سورولریلہ قونوب کچر نیم وحشی قبائلدن عبارتدرکہ بونلر پک سیرک و نفوسلری آزددر . پترسبورغ فینو آلرک مملکتدہ بنا ایدلمش بریر اولوب اطراف و جوانی دہا یاقین زماندہ روسلاشمشدر . تقریباً یاریم عصر اول پاتختک خارچندہ کی کویلردہ روسجہ بیلن یوق کیدی . بوکون بیلہ اورالری فینو آ قبائلک انتقاضیہ محاطدر .

اساساً آسیادن آوروپایہ طوغرو سوروکلہ نن انسانلر اوکارندہ شمال

و جنوب اولقی اوزره ایکی طریق کوردیلر . و بویکی یول اورادن کچنلرک اوستنده پک درین نشانهلر براقدی . مثلاً شمال ، فینوآلری ؛ جنوب ، اسلاولری تولیدایتدی . فینوآلرک استیلا ایلدکلری یرلرک صفت ممیزه سی منابع طبعیه نک اورالرده پک فقیر و داغنیق اولماسیدر . بومنابع هان اورمانلرله پک ضعیف مرعازلردن و مبذول بالیقندن عبارتدر . طوپراغک فقرندن اختلاطنه مانع اولان لاقدرله بطاقتلرک کثرتندن اهالی داغیلمشدر . داخل مملکتده شهورک و حتی تصباتک ندرتی بوندن طولاییدر . بورالره یرلشن فینوآلر یا شامق ایچین اجرای ذلاحه و بناء علیه حیات بداوتدن وازکهرک کندیلرخی طوپراغه ربط ایتمک مجبور اولدیلر . بو حال اونلرک شکل اجتماعیلرینک تبدلنه سبب اولدی . لکن یاپدقلری زراعت پک بسیط برشکلده اولدیغندن بو طرز فینوآلری انموزج ابتداییلرندن پک اوزاقلاشدیرامادی . اقلیمک شدتندن اکیئن شیر آرپه ، چاودار ، یولاف ، یرالماسی ، شالغام ، خنه دن عبارت کیمیدی . حتی بونلرده اکثریا برودتدن دونیوردی . اصول زراعتده پک بسیط اولوب اورمانک بر قطعیه سی یاتیلهرق حاصل اولان کوللری ایچنه تخمیلر سریایور و آلتی هفته صوکرده محصول آلیسوردی . بورالرده کونشک محصولات ارضیه اوزرنده تأثیری پک زیاده در . چونکه کونش امتداد مدتدن ذائب ایتدیکی ضایعاتی قوت و فیمائیتی ایله تلافی ایدیلور .

ایشته بوکی اسبابدن ناسی زراعت فینوآلرک اسی حال اجتماعیلرخی صورت عمیقده تبدیل ایدمندی . مثلاً طوپراق اوزرنده ملکیت مشترکه اساسی محافظه ایدهرک « پاتریارقال مائیه » خنهنه توفیقاً جد مشترک اطرا ننده طوپلانمده دوام ایتدیلر . ذاتاً قومونوته نک انحلاله باعث اوله جتی اورتده هیچ بر سببده یوقدی . بو انموزج اجتماعی بذاته صنایع عظیمه ابداعنه پک آز مستعددر . بوراده خلق تجدد صنایعیه دشنندر . بویله جمعیلرده بر قوه عمومیه ملیده اوله ماز . ایشته و قتیله

فینو آلر اسوچك ، شیمدی ده روسلرك تحت حاكیمتنددر . یکدیكرندن
 اوزاق مالكانه لراوزرنده يرلمهن عائله لر آرسنده اختلاف و نزاع نادرر .
 بباء علیه ضابطه احتیاجی حس ایدیور . لسبب من الاسباب تحدث ایدن
 اختلافی ده « واندەتا » اصولیه حل ایدیورلر . دیگر طرفدن تجارتك
 پك آرز توسعندن - حكومت ایتك بهانه سیله - استفاده ایدیه جك ثروت-
 ده یوقدر . و نهایت خارجدن كله جك مستولیره قارشى مقاومت ایچین ده
 برحکومه لزوم کورمه مشلر . چونکه اقلیم چوق سرت ، طوپراق پك
 فقیر اولدیغندن هیچ برزمان اجانبك حرص وطمعنى دعوت ایتموردی .
 عیجا فینو آلرك دهاسی ، استعدادی ، لیاقت مدنیه سی نه درجه ده در ؟
 روسلرك اسکیدن بونلرله قاریشماسی کندیلری ایچین غیر قابل تداوی بر
 مادونیتى ؟ فینو آلر کندیلرندن مترقى اقوام ایله مناسبده بولندقلری
 زمان قابلیت استمالیه کوسترمکه موفق اولویورلر . واقعا قان اعتباریه
 آوروپایه منسوب دكسه لرده اختلاط و امتزاجه بلا زحمت قاتلانیرلر .
 اکثریسی پك چوق زماندنبری خرسیاندر . ذاتاً اسلاولرله اتحاد و امتزاجی
 هرشیدن اول تمیئه ایدن ، اوروپا مدنیته الحاقلرینی تأمین ایلین خرسیانیتر .
 مجارستاندن بالطق و وولغایه قدر انتشار ایدن فینوالر خرسیانیتنك باشلی
 اوج شکل تاریخینسی ده کال سهولته دراغوش ایتشلردر . موسیقی و شعره
 قارشى بر استعداد فطرییه مالکدرلر . فینو آلر مونغول و اقصادى شرق
 اقوامیه قراپلرنندن دولایى بو آسیائی عرتلرك ده فضائلی حائرر .
 و بوسایه ده آوروپایله مبارزه حالنده دهائی رقابت ایدیورلر . چونکه
 کندیلرنده متانت ، جبر و تحمل ، اقدام واردر . احتمالک تماسده بولندقلری
 ملتدرده غرب برقوة مقاومت ، بر دیرلك ویرمشلردر . بو اوصاف
 مجارلرده پك مرئیدر . چونکه آرز مقداده اولملرینه رغماً آلمانلرك ،
 اسلاولرك ، توركلرك آراسنده حكومتلرینی محافظه ایتمشلردر . اقوام
 شرقیه خرسیانیته نك اكسرت ، اكچالیشقان ، اكتمحلی اولان بلغارلرده

فینو آنسندن کلیور . مجارلرکده بواصلدن منشعب بولندیغنده شبه یوقدر .
 فینو آلرک لسانجه ترکلر و تاتارلرله اولان مشابهلری ایکنجی ، و مغوللر
 و مانچولرله اولان مناسبتلری ده اوچنچی درجه ده در . اُسکی پروسیاده ده
 فینو آنصری مهم بررول اوینامشدر . فینو آلر روسیه ده بیه هر خصوصده
 روسلرک دوننده دکلدرلر . بعض کره بر جهندن بر تفوق حقیقی اظهار
 ایدرلر . مثلاً بر چوق روس کویلیرنندن دها مقتصد ، دها چالیشان
 و ناموسلیدرلر . بو تفوق اخلاقی عرق ویا مذهب فرقندمی اولدینی
 قطعی دکلدر . لکن شوراسی محققدرکه آوروپالی سیاحلر قان اعتبارله
 کندیلرینه دها یاقین اولان روس کویلیسندن زیاده فلانندیا کویلیلری
 آراسنده کندیلرینی دها آز ییابجی بولویورلر . اسلاولرله فینو آلرک
 برلشمه سندن نه نتیجه حصوله کله جکی کورمک ایچین بو کون آوروپانک
 اُک کوزل و اُک قوتلی عرقلرندن بری اولان مجارلرله باقالیدر . مجارلرک
 - اکر وارسه - اقوام سائرله نسبتله مادونیتی نه سیاسی و نه ده عسکری
 نقطه مندندر . زیر اهر زمان مجارلر آوروپانک اُک جنکاور قوملرندن
 بریدی . و بوتون اختلاللری ده اسلاولر لاتینلر و جرمنلردن دهاسر بست
 مؤسات احرارانه یه مربوط قالمشدر .

اوچ بویوک منبعک ایکنجیسی ایسه تاتارلردر . بو اسم عن اصل
 موغول اقوامندن بر قومه مخصوص اولوب بوقومک افرادی جنکیز خان
 عسکرینک پیشدارلری حکمنده بولوندیغندن قرون وسطاده موغول
 اسمک مترادفی کنی استعمال اولونمشدر . صوکره بوتون اقوام تورانییه
 تعیم اولنه زرق بونلره اقوام تاتاریه و اقوام مذکورهنک مسکنی اولان بلاد
 شمالیه تاتارستان نامی ویرلش ایسه ده بو تعیرک نامحل اولدینی بعده
 آکلاشیلوب ، استعمالی ترک اولونمشدر . بو کونکی کونده بواسم تورک
 امت عظیمه سنک بر قومه تخصیص اولونمشدرکه بونلرک و قتیله موغوللرله
 زیاده جه اختلاط و امتزاج ایتمه لری و دامارلرنده بر درجه یه قدر موغول

قائی بولونماسی بوتسمیهلرینه سبب اولمش ایسه ده، کندیلری لسان و اخلاق و عادات و هرجهتجه موغوللردن زیاده تورکاره یاقیندرلر . بونلر و قتیله اولاد جنکیزدن جوجی خان سلاله سنک حکم سوردکلری یرلرده یعنی دشت قیچاق دولتی ممالکنده ساکن ایدیلر . قازان یاخود اژدر هان تاتارلری کندیلرینه تورک اسغنی و یردک تفخر ایدیلر . عثمانلیرک شانلی ماضیتسی بواسی اولره سودیرمشدر .

تورک شجره سی فینو آدله مونغولدن دهاییقیندر . تورکار و فینو آلر بعض یرلرده یکدیگرینه اوقدر قاریشمشلردر که باشکیر و چوراشی کی قبائلده بوناردن هر برینک حصه سی تفریق ایتک مشکلدن . تورکلره مونغوللرک امتزاجی ایسه باخاصه پک زیاده در . تیتیده کی دالای لاهانک تبعه سی اولان قالموقلر اون یدنجی عصرده چین حدودندن اورال نه رینه قدر اولان مسافه نی قطع ایدرک وولغا ایستلرینه کشلردی . بونلرک اصلی مونغولدر . روسیه، تاتار و مونغول قبائلنک رقابت موروثه سنندن یلاستفاده بویکی کلنلری تورکار و قریم خانلرینه قارشى آچدینی محاربه نرده بویوک بر مونقیتله قوللانمشدر . لکن بالاخره پترسبورغ حکومتک بونلری طوغریدن طوغری به تحت اداره سنه آلق یولنده کی تشبثاتی اوزرینه قسم اعظمی اسکی وطنلرینه عودت ایدرک بوکون روسیه ده آنجیق ۱۳۰۰۰۰ قدر قالمشدر . فینو آلر خریستیان ، تورکلره تاتارلر مسلمان ، مونغوللرده بودیست اولمشلردن . عینی شجره به منسوب اولان بو اوچ قومک یکدیگرینه اوقدر بکزمه یین مقدراتنک علل و اسبابندن بریده بی شبهه مذهبلر نده در . اسلامیت ایله تاتار دهاملی و دهاییکی بر مدنیته نائل اولمشدر .

روسلرک دامارلارنده مونغول قائی برغاچ دامله در ؛ لکن تاتار قائی نه درجه ددر؟ اسپانیاده عربلر دها چوقی مدت اقامت ودها واسع اراضی به استیلا ایتمشلردن . اون اوچنجی عصر میلادیده روسیه به کیرن تاتارلر ایسه

اون آلتنجی عصر دن اعتباراً قسم جنوبی به دوغرو تبعید ایدلمشلردر .
 اساساً اورویای روسینک یالکز بر جهته اجرای سلطت ایتشلردر ؛
 و روسلرک خاکیمتی قالدیرمیهرق اونلری یالکز خراجہ باغلامشلردر .
 عربلرایسہ اسپانیانک اُنک کوزل اعصافنک عمران و ترقینہ چالشمشلردی .
 تاتارلر روسیہ نک جنوب و شرق سیتلرنده (Steppe) انتشار ایدہ رک اصل
 روسلرک ایچنہ کیرہ مہ مشلردر . اوزمان روسلرغنوزوولغا حوضہ سنہ کلمشلردی .
 و روسیہ دہ کی تاتارلر عربلر کی پارلاق و زنکین بر مدنیت دہ ابداع
 ایدہ مہ مشلردر ؛ و طویراغہ باغلامتدن زیادہ قسماً حال بد اوتدہ قلمشلردر .
 وجودہ کتیر دکلری شہرلر پک آز و عربلرک کتہ نسبتہ دہ چوق کوچونک ایدی .
 لسان خصوصندہ دہ بویہ فرقلر واردر . عربک اسپانیول اسانی اوزرنده کی
 تأثیراتی تاتار ویا تورکک روس لسانی اوزرنده کی تأثیرندن دہا عمیقدر .
 بویہ اولمقاہ برابر تاتارلر عجبا روس ملتک تشکله یاریم ایتدیلر می ؛ چونکہ
 روسیہ اسپانیانک عربلرہ قارشی تعقیق ایتدیکی پولیتیقہ نک خلافتدہ اولہرق
 تاتارلری یکی وطنلرنده ابقا و مذهبیلرخی دہ محافظہ ایتمشدر . فقط اسپانیادہ
 اولدینی کی روسیہ دہ دہ ملت حاکمہ و محکومہ یی برندن تفریق ایدن
 اسباب بردر . ہونک اُنک میمی اختلاف دین و مذهب ایدی کہ ایکی عرق
 آراستہ غیر قابل ضرور برسد وضع ایدیوردی . طریق ارتداددن
 باشقہ بریول یوقندی . تاتار رؤساسندن بعضیلری منفصلرینی تأمین ایچین
 خرسایانیتی قبول ایتمشلردی ؛ نتہ کیم اسپانیادہ کی عربلرک بر قسمی دہ جان
 وماللرینی تأمین مقصدیلہ تبدیل مذهب ایاہ مشلردی . اسپانیوللرک کندی
 ضررلرینہ اولہرق عربلرہ قارشی روا کوردکلری ظلم و جفایہ مقابل اولان
 شدائد روسیہ تاتارلری اوزرنده آغہ و تدریجی بر صورتدہ حرکت ایتمشدر .
 اساساً تاتارلر خاکیمتیلرینی ظاہر ایتدکلری آندن اعتباراً ییدرپی روسیہ یی
 ترکہ باشلادیلر . قازان وازد رھان خانلقلرینک محوخی متعاقبت قریم
 و حوالیسندہ طویراغلرک ہنوز اون سکزنجی عصر دہ بورایہ کوچونک

* تاتارستان نامی ویریلوردی . قاترینه طرفندن قریمک فتحندن صوکره ممالک عثمانیه مهاجرت بوس بوتون ترایدایتدی . بوکون قریمده کی تاتارلر و ظنلرینک روسلر طرفندن استیلا ایدله کی زمانده موجود اولان نفوسلرینک آنجق بشده برینی تشکیل ایدر . یوزسنه مقدم قریمک سکنه سی یالکز تاتار ایکن شیمدی عصرلره اجرای سلطنت ایتدکری مملکتک داخلنده کوچوک آطه جقار ، غروبلر حالنده قالمشلردر .

تاتار محاربه لرندن مقصدنارتدی . مثلاً برقریم خاننک یوزبیک تبعه سی یوق ایکن یوزبیک محارب طوبلایه بیلیدی . روسیه نک مرکزیه تاتارلر آنجق مسلحاً کیرمشلر واوراده اصلاً یرلشمه مشلردر . موسقوا ، تاتارلرک مواجهه سنده وقتیه تورکلرک قارشیدنده مجارستان ، رومانی ، صربستان و یونانستانک وضعیتلری کیدی . تاتار عنصرینک روسلر اوزرنده کی تأثیرینی آکلامق ایچین تورکیه ده کی یونان و اسلاولره باقمالیدر . هرایی حالده ده یکدیکیلرینک قارشیدنده ایکی عرق وایکی مذهب موجود . اوصورتده که مختلف اسملر آلتده همان یکدیکیلرینک عینی اولوب یالکز صحنه دکیشمشدر . لکن روسیه نک برکاری واردی ؛ اوده تاتارلرک یالکز جزیه کذاری قالوب طوغریدن طوغری به تحت تابعیتنه اصلاً کیرمه مش اولماسیدر . بلغارلر و صربلیر ایسه بویه دکلدر . بناءً علیه وولغا کنارنده کی ایکی عرقک اختلاط و امتزاجلری درجه نی طونه ساحلنده کی ایکی عرقدن دها زیاده دکلدر . ازدواج ، اسارت ، تضیق کی اسباب مختلفه نک تحت تأثیرنده وقوعه کن تبدیل مذهب سایه سنده کی اختلاط اسلاولرک ضررینه ایدی . بوتون بوجرالره خرستیان قانی دها فولایقله مسلمانلرک دامارلرینه کیرمش و مسلمانلرک قانی ایسه خرستیانلرک دامارلرینه اولیه سهولته آقامشدر . هر یرده و هر زمانده دقت ایدلمشدر که مسلمانلرک خرستیانیتی قبول ایتمه سی غیرطبیعی و اندردینه جک درجه ده اولوب بالعکس خرستیانلقدن اسلامیه کیرنلر پک چوقدر . بوتون آسیای غربی ، سوریه ، آسیای

صغری، مصر، آفریقا بوکا شاهددر. بوشناق بکلرینک، مسلمان آرناوودلرک، بلغاروکرید مسلمانلرینک اصللری خرسیتیاندر. حال بوکه تک بر مسلمان قبیله سنک نصرانی قبول ایتدیکنی کوستر مک مشکدر. مسلمانلر خرسیتیانلرک اوکنده یا هجرت و یا نحو اولورلرده ینه نصرانی قبول ایتزلر. ایکی عرقک اختلاط و امتزاجی ایسه بری دیگرینک مذهبی قبول ایتسیله اولور. واقعا تاتارلردن خرسیتیان مذهبه کیرنلر وارد. مثلا بعض بویوک روس عائله لری بو منبعدن کلیور. فقط بو، اسلاولره نسبتله نادردر. اکر روس ملتک دامازلرینه پیدرپی براز تاتار قانی کیرمشه بو اون اوچنجی عصرده کی مسئولیلردن دکل، بیکنه دنبری روسیه ده اقامت ایدن و آراده صیراده تبدیل مکان آیه ین بعض تاتار فبائنندن کچمشدر. تاتارلرک روس ملتک تشککنده کی حصه لری پک جزئیدر؛ اونلرک بوبابده اشمیتلری آتنولوژیک اولمقدن زیاده تاریخیدر. الیوم تاتارلرک بر قسمی تجار وزراعدر. بعض خدماته روسار همجنسلرندن زیاده تاتارلری ترجیح ایدرلر. روسلردن ده اتمیز، ده ا قناعتکار و ده ا مقیمدرلر. اعتماد و ناموسی مستلزم خدمتلر تاتارلرک ید انحصارنده کیدر. قریم ساحکنده صیفه لری اولان بویوک روس عائله لرینک خدمتچیلری و پترسبورغ لوقطه لرنده کی غارسونلر هپ تاتاردر. بوکون روسیه سیاست داخلیه سنده تاتارلرندن هیچ بر کونا مشکلا ته هدف اولیور ..

تاتارله فنیو آلرک فوقنده روسلرک قولاغنه پک خوش کلن باشقه بر عرق ده ا واردرکه اوده اسلاودر. بو عرق، آوروپا قطعه سنده ساکن بولونان اقوام آریانیه دن بر چوق قوملری جامع بر بویوک زمره اولوب آوروپا قطعه سنک قسم شرقیسنده یعنی روسیه نک همان هر طرفیه آوستریانک و بالقان شبه جزیره سنک قسم اعظمنده و پروسیانک ده جهت شرقیه سنده ساکندرلر. اسلاولر؛ روسلر، لهیلر، چهیلر، اسلووانلر، خرواتلر، صربیلر و بلغارلره متقسمدرلر. و قتیله اسلاولر کتلر و توغ ۴

کبی آسیای وسطیدن آوروپایه کچوب ، بوقطه نك وسططینه قدر ایاریش ؛ وبر خیلی وقت بالطق دگری سواحلیله طونه آراسنده کی یرلرده دولاشه رق ، کلترل وغوتلرله وبر طرفندن ده اوروپانك شرق طرفارنده ساکن بولمیش اولان اسکیتلر یعنی اقوام تورانیه ایله منادیاً غوغا و نزاعده بولونمشلردر . آنجق بو نزاعلری تاریخجه کسب اهمیت ایده جك صورتده اولمیوب اهمیتلر قالمش ایکن نهایت یدنجی قرن میلادیده اسلاولر جنوب و شرقه دوغرو توسع ایتیمکه باشلیه رق ، آوستریا طوراغنده و بالتان شبه جزیره سنده برقاچ دولت تشکیل ایتیش و اووقتدن بری کیتدکجه تکرر ایتیمکه بولونمشلردر .

اسلاولرک موقع و قرباتلری حقیقه اصلا شبهه یوقدر . اولرده لاتینلر ، سلتلر ، جرمنلر کبی اقوام آریانیه یاخود ایندو - اروپه ئن تسمیه ایدیلان بویوک عرقک برشعبه سیدر . شکللری ، لسانلری ، غنات ابتدائیه لری بو منشأ مشترکه دلالت ایدر . یونانجه ، لاتینجه ، آلمانجه کبی اسلاو لسانلری ده حقیقت حائده بو ایندو - اروپه ئن لیزجه سی شعباتندن اولوب سانسقریت ده شکل معروف قدیمیدر . اسلاولرله جرمنلردن هانکیسک ده اول آسیائی ترک ایدیکلری مجبورلدر . هر حالده شجرتلری پک - جزئی فاصله ایله وقوعه کمشدر . بوکون آوروپائی آرالرنده تقسیم ایدن اقوام آریانیه بیتنده کی قرابتی بحق تعین ایتیم چوق مشکالر . آنجق بعض حکما جرمنلرله اسلاولر آراسنده ده صیقی بر رابطه کورو یورلر . فقط اسلاو قبائلک انموزج ابتدائیسنی کشف ایتیم قولای برشی دکلدر . بونلر و قتیله یالکز دعی ایله یاشایامیه جق درجه ده محدود بر طور اغه تصادف ایتدکلرندن فلاحته مجبور اولمشاردی . تکامل غایت مثبت بر طور اقی سایه سنده کسب سهولت ایتدی . زراع حائنه کیرمک ایچین اسلاولر پک مساعد شرائطه تصادف ایلدیلر . بو نقطه دن اسلاولر فنیو آلدن پک زیاده طالعک لطفنه مظهر اولمشاردی . اسلاولرک شکل

قدیم اجتماعیرنی تبدیلیه واسطه اولان اراضی قاریاتلریه دینیپربیتنددره. و بورادن بالاخره شمال شرقیه دوشری تبدیل ممکن ایتمه لری اوزرینه شمال اسلاولری یعنی روسار میدانیه چیقدی. جنوبه انتشار ایدنلرده باغارلرک، صربیلرک، بوشناقلرک تورلینه خدمت ایتمیلر. اساساً اسلاولرک مهد ظهور شیمدی کوچوک روسیه نامی ویریلن یردر. اوکلرنده هیچ برمانه تصادف اتمه دکلرندن شایه دوشرو یاییله رزق میدانیه بویوک روسیه چیقدی. کیهف کوچوک روسیه نك ناصل اُك باشلی بلده سی ایسه موسقواده بویوک روسیه نك اُك برنجی شهری اولدی. برچوق مدت کیهف روسیه نك پایتختی، شهر مقدس دی. لکن آلتنجی عصردن اعتباراً بو شهرک اهمیتی زائل اولوب یرینه موسقوا قائم اولوبور. کوچوک روسیه عشارک استیلالرینه معروضدی دفعتاًله تاتارلر بورالرینی غارتله نهایت الامر یرلشدیلر.

جنوبی سیپلره اوزاق اولان بویوک روسیه ایسه تاتارلرک استیلاسه دها آز هدف اولدی. و موسقوا پرنسلی کندی منفعلرینه بومدهش مسئوللردن استفاده ایتمیلر: تاتار خانلرینه صور مختلفه ایله خدمت ایدرک بالاخره بو خدماتک قومیسوتی آلدیلر. و بو طرز حرکت او زمانه قدر اوروپاده هیچ برقرالک مالک اولمادینی برشیی موسقوا پرنسلینه بخش ایتدی: برخزیه. خراج تحصیلی ضمنتده خانلر پرنسلرک معینه برچوق ضابط و عسکر ویردیلر. و ایشه بوضورتله موسقوا حکمدارلری رعایتده قصور ایدن روس پرنسلینی خانه قارشی برعاصی کی کوستره رک تاتارلره تأدیب ایتمیریورلردی. و پیدربی موسقواده کی پرنسلر، بویله برچوق بهانه لریه مملکترنی قومشولرینک ضررینه بویولتمک موثق اولدیلر. هر نوع قیود اخلاقیه دن آزاده وغایت ذکی، دور اندیش اولان موسقوا خاندانی او یله پازلاق بر سیاست تعقیب ایله دیلرک نتیجه سنده هم خانلرینک ربه آسارتندن کنیدیلرخی تخلص و هم ده بویوک برامپراطورلق تأسیس ایتمیلر.

عجبا شمال اسلاوی روس آموزشنی فصل تولید ابتدی ؟ اساساً روسل مرکب و مشوش بر آموزشدر . اولنرک ایکی مختلف سیاسی وارد . یونک بری شرقه دیکری غربه متوجیندر . یکدیگرینه مختلف ایکی تأثیرک آلتنده قالمشادر . سیای شرقی روسیه یه فورماسیون قومونوته « تشکیلات تجمعی » دینیلن شکلی ویردی که بوکونده بینه اجتماعی سنک اساسیدر . فی الحقیقه ده بو طرز تشکل اجتماعی روسیه ده عائله نک ، سعی و عملک ملکیتک ، قومونک صفت ممیزه سیدر . الیوم بو شکلک روسیه ده دوامه قارشنی اظهار حیرت ایتمه مایدر . روسیه اوروپانک تقریباً نصفی قدردر ؛ و اهالی یک داغیق بر صورتده در . بو مملکت فرانسه یه نسبتله درت ویا بش کره دها آز مسکوندر . انساندن حالی اولان صحاری و اسعه سی مستعمره لره محتاجدر . برچوق اقامنده انسان ایسته دیکی کچی آخاجلری ویا حیواناتی رعای ایده بیلدر . چونکه اورائری هیچ کیمسه نک تحت تصرفه دکلددر ؛ و اولسه بیاه بو تصرف اعتباریدر . طوپراق چوق ، انسان آز . مثلاً باجقاده اولدینی کچی برسرلکندن ، وسائط موجودیتک آزلغندن دولایی برچوق عائله لری یکدیگرندن آیرلغه مجبور ایدن ضرورت بوراده یوقدر . ^{۱۱}اولسه ده انجق بعض نقاطنه منحصر اولوب بوده یکیدر ایسته دائماً برابر یاشایان بو آدمار قومونوته حیاته آلیشدیلر . و بونکله استیناس حاصل ایدنلر ایچین مشترک برحیات یکجاذب برشیدر . مشهور لویله دیرکه : عینی قاندن چیقان اشخاص اگر اولرینک وسعی برلکده اوطورمغه کافی ایسه اموال و مساعیده اشتراکده دوام ایدرلر . رئیس عائله علی الاکثر نزدنده متأهل بر چوق ارکک اولادلرینی ، قاریلرینی ، چوجوقلرینی محافظه ایدر . پدرک وفاقی حائده قارداشلر والده لرینک تحت ریاستنده ینه برابر اوطورمغه دوام ایدرلر . بویله بر طرز حیاته اختیارلرک حکم و نفوذی یک زیاده اولوب اعضای عائله بیتنده کی او یغونرز . لقلره مانع اولورلر . و کنجلی تحت اطاعتلنده طوتارلر . بناءً علیه

روسیه ده اخلاق و عادات ، مؤسسات «پاتریارقال» اوتوریته‌سی، محافظه‌یه خادمدر . بابانك اولاده قارشی اولان نفوذی شاید کافی گلنسه کویك قدماسی دعوت ایدیلیر .

ایشته روسیه‌ده برچوق عائله‌لرک بریرده بویه طویلا نماسندن ما عدا سعی و عمل‌ده مشترکدر . چونکه هرکسک وظیفه‌سی تعیین و توزیع ایدن زراعت عائله‌جه هپ برلکده یاییلیر هرکس قوتی نسبتده زراعته اشتراك ایدر . افراد عائله چوغالیرسه کنجلر اوقات معینه‌ده باشقه یرلره کیده‌رک آخرلرینک حسابنه چایشیرلر . و بو آدم‌لر دائماً عائله ایچنده یاشادقلرندن تئک باشنه سیاحت ایده‌مزلر . مثلاً عمل‌لر «آرتهل» نامی و یرلن جمعیتلره کیرلر . آرتهل عمومیتله اون‌بش قدر سیاحتدن مرکبدر . حرکت ایتمزدن مقدم بوتشکل ایده‌رک زمان عزیمت تعیین ایدیلیر ؛ شرکتک ایلک ایشی سیاحت مصرفنی تدارک ایتکدر ... محل مقصوده کلدکدن صوکره ینه بر جمعیت یاپارق برابرچالیشمقده دوام ایدرلر و اوقات معینه‌ده یورالیرنده مجتمعاً دوزلر . قازانجلرینی قومونوته‌یه کتیرمکه مجبوردرلر . اونلر پاره‌دن آنجق احتیاجات ضروری‌لری نسبتده صرفیاتده بولونورلر . بو طرز مهاجرت‌ایسه فکر تاشبی پک آرتوسیع ایدر . چونکه مهاجر ، قومونوته‌یه و آرتله پک چوق استاد ایدر . مسقط رأسندن زمان عزیمتده ناصل قومونوته‌ر ایدیسه ینه‌اولیه قومونوته‌ر عودت‌ایلر . بناءً علیه سعی و عملک تنسیقه‌ده آموزج ابدائی‌نی دیکشدر میور . و بو شکلک تماردینه روسیه‌ده ائکزیاده خدمت ایدن طوراغک بوللغی‌در . برعائله ، مالکانه‌سی اعضاسی نسبتده توسیع ایده‌بیلیر . تشکلات تجمه‌یه‌نک روسیه‌ده نه درجه شدتلی اولدیغی طوراغک ملکیت مشترکه‌سی اثبات ایدر . آتیده تدقیق‌ایده جکمز «میر» قومونوته‌ر بناسنک یوکسک قاتی کیدر .

بوشکل اجتماعی تشبث شخصی‌نی محو ایتدیکی کی انسانلری دائماً برمتکا آرامغه سوق ایدر ؛ دیگر طرفدن فکر تعامل و عغه‌نک پک

زیاده نشو و نما بولماسنه خدمت ایلر . اُسکی عادتاردن واز چیلمز .
 عابلهده سچی انفرادی و فکر تشبث اولماز چوجوق کندینی حایه ایچین
 دائما قومونوتهیه کوهه نیر . اهانلک شرائط ماده و مضویه سی اوزرینه
 پک زیاده حسن تأثیر ایده جک اختراعات و تجدیداتده قبول ایدلر .
 بوتون عابلهلر عادات مؤسسهیه مربوطدر . انسان زمان فلاکت واضطرابنده
 کندنده دائما بر قوت حس ایده رک اوئی ازانه ایده جک هیچ بر واسطه
 کورمز . اضطراباته کمال سکونتیه متوکلانه قاتلانیر . هر درلوفلاکت واضطرابه
 تحمل ایتک ، اولومک مواجهه سنده سکنت اعصابی محافظه ایلهمک
 روسیهده پک زیادهدر . اقتدار سزلقندن متولد قاتالیزم هر یردن چوق روسیهده
 واردر . بوراده انسان فلکک قهرینه قارشی باشنی یوکسلته جک یرده
 اکر . بویله طبایع ایله اولومه طوغرو متوکلانه کیدن عسکر یابیلیر ؛
 عالی و مترقی بر جمعیت وجوده کتیر یله مز . روس کویلیسی ایشته بویلهدر .
 کندیلرندن زیاده « غروپه » استناد ایدن ، اختراعدن زیاده غنغیه طابع
 اولان کیمسه لر مکاتب و تدریسات ایله بر قیمت عالیله اکتساب ایده مز لر .
 هم بو صورتده اهالی چوجوق قهرینی مکتبده اوقوتمق بیه ایسته مز لر .
 قومونوتهیه شکللی بالخاصه قادینک موقیفیده تضییق ایدر . بویله مملکتلرده
 عفت ، حس ناموس ایله دکل ناموسم ازدواجات و حیات عابله نک حسن
 تأثیراتی سایه سندهدر . مثلاً کنج قیزلر یاشلی خانملرک کوزی اوکنده
 تربیه ایدیلیر و کنج لره تماسدن دائما اوزاق طوتیلیر . کندیلرینه هیچ
 برحق انتخاب ویر لکسزین ابوینی طرفندن نشانلانیر . اُرکک چوجوق لر
 قیزلره اختلاط ایلر . حرم ، بوانموزج حایتکارانه نک اُک پارلاق مثالیدر .
 لکن بوسدودیقیلیر ؛ پدرک نفوذی آزالیر ؛ یاشلی قادینلرک نکوبانلنی
 تناقص ایدرسه قیزلرک فضیلتی ، عقیده محو اولور . کندینی مدافعهیه
 هیچ حاضر لیمش بر قادین یالکز باشنه ترک ایدیلیرسه جهالت ، حیوانیت
 و یاخود تضییقه قازنی بر عکس العمل احتیاجی ایله در حال سقوط ایدر .

بو اوایله برقلعه که داخل دکل خارجاً مدافعه اولونیور . و یالکز باشنه بر اقیلان قادیلر یالکز اخلاق نقطه سندن دکل فکر آده محو اولورلر . ایشه سین اخیر ده روسیه ده کی نیلیست (Nihiliste) و آنارشیست قادیلر بویوزدنلر . حاصلی قومونوته ر شکلی قادینی بر جوجوق عدایده رک دائماً تحت وصایتده یاشامغه محکوم ایلر . دیگر طرفدن سی و عملک شکلی ده هر درلو تشبث شخصی نی بوغاز . ثانیاً بو حال واسع بر تشبته ، یوکسک برسلسله محاکمه وابسته اولان بویوک صنعتک وجوده کلمنه ده مانع اولور .

فی الحقیقه ده بویوک صنعت روسیه ده پک آز مرقی اولوب بو اوراده انکلیزلره آلمانلرک آئنده در . قومونوته ذوق استراحت حسنی ده پک زیاده توسیع ایتدیکندن سی و عمل دائماً محدود بر دائره ایچنده قالیر . بو حال روسیه ده بایراملرک کثرتنده مرئیدر : سنده سکان بش کون تعطیل ! دیگر طرفدن بو اشکل اجتماعی به مربوط اولانلر هم پک آز چالیشقان و هم ده پک جزئی دوراندیشی و احتیاط کاردرلر . قومونوته اصولی هر کسک بر آوه مالکیتنه ، تصرفه مانعدر . خانه لرده کی موبیلیه احتیاج ضروری به منحصر اشدن عبارت قالیر . بر محله دوامی و مکمل بر صورتده یراشمک فکرینه قارشى نفرت ایدیله رک کوچبه حالی ترجیح اولتور .

شیمدی روسلرک غربه متوجه اولان سیاسی تدقیق ایده لم . اسلاولرک بر قسمی ایسه کذر کاهنده غربدن کلن بر عنصر اجنبی ایله امتزاج ایتدیکندن طرق جدیدیه دوغرو آتیلدی . جنوب اسلاولری تاتارلرک شمالده کیلرده روسلرک تحت تأثیرنده بولوندیله . ایشه بوفرقت عین منبعدن چیقان بو ایکی صنف خلقی باشقه باشقه یوللره سوق ایتشد . روس ، شمال اسلاولرینی ایلری به یعنی غربه متوجهاً تاتارده جنوب اسلاوینی کیری به ، شرقه دوغرو آتشد . فترندن بیزار قالان اسلاولر وارغ پرنسارینی دعوت ایتدیله : « مملکتمز واسع ، هرشی مبدول ، یالکز

انتظام و عدالت یوقی . کلوب بوراسنی تحت حاکمیتکزه آلهرق بزی اداره ایدیکز «دیدیلر . چونکه قومونوته رار قوای عمومیّه متضمه تأسیس ایده منزلر . حتی مخربا تده بیله سفر دن صوکرده هر قبیله استقلالنی اکتساب ایدر . وایشته بوندن دولتی درکه آتیلانک ، تیمورلنکک ، جنکیز خانک بویوک ایمپراطورقلری کمال سرعتله انحلال ایتشددر . ماکنه اجتماعیه اسلاولرده «میزدن» یوقاری یوکنهعه مشدی . وحدت ملیه اساسنه بو عرق بیکانه اولدینی کبی فکر حکومت و دولتده خارجدن ادخال اوئنه جتی ایدی . لکن بو وارغار کیسدر ؟ بونلر اسقاندیناویا سکنه سندن یعنی شمال آدملرننددی . وارغارک مواصلتی ایله روسیه تاریخی جدأ باشلیور . بو سفر ۸۶۲ تاریخلرنده روریک ، سینه اوس ، تروود نام اوچ قاردرلر طرفندن اداره ایدیلیور . وایشته بو آدملر اسلاولری دائره انتظامه صوقورلر .

اقوام بدویهده اقتدار ملی رؤسانک علوشاننه ودرجه اقتدارینه مستددر . لکن بو پک قنابر اصولدر . زیرا پایدار برشی دکل : رئیس اختیارلیه رق نفوذ و اقتدارنی غائب ایدر و یا معیتی خلقتده دها آزر بر منفعت تأمین ایلر سه کنديسینی هان ترك ایدرلر . واوغلنك اطرافنده طوپلانمازلر . چونکه اوصاف ذاتیه نادراً اولاده انتقال ایدر . ایشه تیمورک ، آتیلانک ، جنکیزک یرلرینه کچنلرک ترك ایدلمه سی و پایدار ایمپراطورقلر تأسیسی خصو-صنده کی عدم اقتدارلرینک دیگر برسبی ده بودر . حال بو که طوپراغک حراتی ایله اوغراشان اقوامده اقتدار ملی رؤسانک شانی ایله دکل اراضینک تنسیقات تدریجیه سته مستددر . مسلک اجتماعی اشخاصک سلسله مراتبی اوزرینه دکل ، برارضییه نظر آدر . بو فرد ، عائله ، مالکانه اساساتی ایله بر صورت فیهده مؤسسدر . بوراده طوپراق آلدن چیقاریلر سه اقتدارده کیدر . ایشه مروونچیهن وقاروله نچیهنلرک تاریخی قاپه تیه نلر ایسه بالعکس عائله نك مالکانه سنی توسیع ایدمرك فرانسه نك آك بویوک صاحب ملکی اولدیلر .

و کیندکجه کسب قوت ایندیله . طور ائنگ تصرفنه استناد ایدن اقتدار هر کون دائره نفوذنی کینشله رکه اهالی بی دائراً مادر بر چرچیوه کبی احاطه ایدر . و از غلرده ایشه اراضینک تصرفیه باشلادیله که بو ، باشلی اوچ صفحه به آریله : برنجی صفحه زور بیک اثرندن عبارتدر . روریک در حال اراضینک بر قسمی رفقاسنه تقسیم ایده رکه بوصورتله بویوک مالکانه لر تأسیس ایندی . ذاتاً شمال آدماری هر یرده بو اصولی تطبیق آیلدیله ؛ مثلاً غول قطعه سنده بویوک بریتانیاده ده بویله یاپدیله . و بونک نتیجه سی اولدوق اسلولر ایچین اداره شخصیه اصولی یرینه اداره اراضی تکمیلی باشلادی . طور ائق انسانی ضبط ایده رکه بولندینی یرده باغلادینی کبی بر طاقم مالکانه لرده وجوده کتیرر . ایشه روسیه ده بو بویوک مالکانه لرکه تأسی اوچ مهم نتیجه به باعث اولدی : اولاً اراضی وسیع بی ایشتمک ایچین اهالینک بر قسمی بو اراضی به باغلادیله . و بودجه ایله اسلولر کیندیله رینه بک خوش کلن حیات بداوئدن فراخته مجبور اولدیله ؛ ثانیاً شخصاً علاقه دار اولان بویوک متصرفلرک تحت تأثیر و نفوذنده زراعت توسع ایندی ؛ ثالثاً ده ملکیت شخصیه اساسی یرلشدی که بو ، اسلولرک قومونوته ر عنعنهنک خارجنده بر خطوه قطعه ایدی .

ایکینجی صفحه ، بوریس غودونوفک اثریدر . بو صفحه اون یدنجی عصرک ابتدا سنده چار بوریس غودونوفک تأثیریه باشلار . اسلولری طور ائغه صورت قطعه ده باغلامق ایچین « سرواژ - اسارت زراعه » اصولی میدانه چیقدی . چارک براراده سی کوییلری بر اراضیدن دیکرینه کچمکدن منع ایندی . و بوصورتله کویلی چیقلکنه باغلانندی . روس کویلیسی ایچین بو اراده نکه تاریخ نشری بریوم مشوم اولدیقندن مسیبلرینه لغت ایدر . و فرصت بولمجه ده اعتراض ایتکدن خالی قالمزدی . فقط مخالفت و مقاومتلرینه رغماً اسلولرک بو سایه ده تربیه زراعه سی ترقی ایدیوردی . بک مالکانه سی کندیسی ایچین بر نمونه چفتکی اولدی . هفته ده ایکی اوچ

کون بک تارلا سنده یاپیلان اصوللری کندی حسابنه تطبیق ایدیوردی .
 بک مالکانه سی اسلاو ایچین برنوع زراعت مکتبی اولدقدن باشقه برمنبع
 لطف و کرمدی . اولا بک عائله نك عددینه کوره برمالکانه دن مجانا استفاده ایتکی
 اوکا تأمین ایدیوردی . ثانیاً احتیاجاتی ایچین اورماندن اودون و کهور تدارک
 ایتمسه مساعدده ، صیدماهی وبری حقوقی اعطا ، قحط وخسته لقی حالنده ده
 یاردیم ایلوردی . واقعا بوتون بومعاوتلر برحس انسانیت اثری اولمایوب
 بک ایجاب منفعتی ایدی . لکن اسلاو بوسایه ده فلاحته استعداد قازاندی .
 اوچنچي صفحه اسرآنك قید اسارتدن تخلصی کیفیتدرکه بوده ایکی
 صورتله وقوعه کلدی . اولا آنغاریه بکه ویریلن نقد مقابله صاتون
 آلدی . بک بویوزدن منابع نقدیه استحصال کویلی ده بوتون زمانی کندینه
 حصر ایدهرک ایستدیکی کبی جالیشمق حقته نائل اولویوردی . ثانیاً ۱۸۶۱
 تاریخی اراده حکمداری ایله کویلیلر قانوناً معین رسوم مقررده ایله حریتلری
 استرداد ایتک حقنی قازاندیلر . اراده عائله قومونوته سندن مستقل کوچوک
 مالکانه لر وجوده کتیزیوردی . وایسته بوتدایر ایله برطرفدن زراعتک
 قدرت ووسعتی دیگر جهتندن ده ملکیت شخصیه ترقی ایتدی . فقط چارک
 اراده سی غیر مساوی نتیجه باعث اولدی . مثلاً بعض یرلرده کویلیلر
 اسارتدن ینه قورتیله مادیلر . چونکه هر بر ادارهیه کویلی هنوز مستعد
 دکلدی . بر تشکل اجتماعی نی تبدیل و تغییر ایتک چوق مشکدر . روسیه ده
 حال زراعی تدقیق ایدیه جک اولورسه بودر حال کورولور . مثلاً شمال
 طرفلرنده کویلیلر ینه اورمانلری احراق ایدهرک تخمیری کوللرینه
 سرپیورلر ؛ بر ایکی سنه صوکره بوراسنی ده ترک ایدهرک عینی عملیه نی
 باشقه بر نقطه ده تکرار ایدیورلر . قارا دگز و وولغا حوضه سنده ایسه
 سیپلر زیاده اولدیغندن طور اغانک آنجق بر قسیمی سورولور ؛ قوتی
 توکندکن صوکره براقیله رق باشقه بر یره کیدیلور . ترقیات زراعیه
 انجق روسیه نك مرکزنده حس اولنه جق درجه ده در . اصول جدید

زراعتك هر طرفه تعممی ایچین دها پاك چوق سنلر لازمدر . وایشته بوندن دولای دركه آوروپا و آمریقایه نسبتله روسیهده آلتان محصول پاك آزدرد . مثلاً بغدادی اوراده هكتار باشنه ۶۳ هکتولیتردی کچمه دیکی حالده انکلتزده ۲۴۵۵ هکتولیتزدرد . بوده اثبات ایدیورکه بر جمعیت تدابیر اداره ایله دیکشمیور . چونکه اخلاق و عاداتك مقاومتی اوامر قانونیه دن دها قوتلیدر . حال بوکه روسیه حکومتی صنعتك ترقیسی امرنده - بلکه زراعت ایچین یاپدیغدن دها فضله - عینی اصول صناعی نی تطبیق ایستدی . برنجیسی بویوک نی یهرك، ایکنجیسی قاتهرینه ناك اولمق اوزره بونك ده ایکی صفحه سی واردر .

هرایکی حکمدار مملکتده صنعتك ترقیسنه پاك چوق چالیشدیله . روسیه یه هر وجهیه آوروپامدنیتی صوقق ایستین پی یهر هرشی اجنیلردن اقتباس ایستدی ؛ لکن بونلری اولجه تدقیق و تمیز ایدرك آلمادی . اطرافه بر چوق هولاندالیلری، انکلزلری، اسقوجالیلری، اسویچرلیلری جرمنلری طوپلایه رق هر درلو صناعاتی مملکتده ادخال وهرشیده آوروپا لیلری تقلید آیه دی . و بونکله ده اکثراً تیمهرك شهرلر و لیمانلر انشا و دولت نام و حسابنه برطاقم مؤسسات صناعیه وجوده کتیردی . یوالر و قتالیر یاپدیردی . حاصلی پی یهر روسیه نی برطاقم قوانین و نظامات ایله تبدیل ایدرك اسلاولری رهاویدن قورتاراق اولنلری آوروپالی یایمق فکرنده بولونیوردی . ۱۸۶۱۰۰۰ تاریخندن اعتبارآده صنایع عظیمه نك، بویوک قایرینه نك مملکتده توسعنه تثبث ایدیلور . حال بوکه مسئله غایت نازک و مشکلدی . چونکه بوتون قومونوتهر اقوام کی اسلاولرده بویله بویوک صنعتیه ، مؤسسات جسمیه یه قارشى برحس نفرت بسارلر ؛ هله عائلهدن اوزاق یرلرده ، اجنبی آرقداشلر ایچنده ، مجهول رؤسانك تحت اداره سنده چالیشمقدن هیچ خوشالانمازلر . بوندن طولای دركه شرقده بویوک آتلیه لر یوق کیدر و موجودلرده اکثراً اقوام غریبه طرفندن

تأسیس و اداره ایدلمکده در . بو ، ادخالات امتعه سندن بر نوعدر . بناءً
 علیه روسیه املنه نائل اولق ایچین هر شیئی غربدن کتیر مکه مجبور اولدی .
 مثلا سرمایه داران ، قوندو کورلر ، مهندس لر ، ماکنه جیلر ، حساب
 مأمورلری هپ خارجدن کلدی ؛ بو کون فابریقه لرك قسم اعظمی آلمانلرله
 انکلیرلرك ائنده اولدینی کبی معاملات مالیه و تجاریه عالنده ده انکلیرلر ،
 فرانسرلرله بالخاصه آلمانلر و موسویلر حکمفرمادر .

بر جمعیتك تكاملی وقتدن اول استعمال ایدیلیرسه نتیجه سی بویه
 اولور . روسیه صانتك ترقیبی ضمنده بر چوق سپارشاتده بولونمش ،
 مکافاتلر و برمش و بالذات دمیر فابریقه لری آچشدی . و ۱۸۸۲ ده صنایع
 داخلیه بی حمایه ایچین ادخالاته قارشى غایت آغیر بر تعرفه ده اعلان ایتدی .
 لکن حکومتك بوتون بو مساعیدنه رغماً روس فابریقه لری دائماً بهالی
 و فنا محصول وجوده کتیریور . زینت و سفاهته متعلق اشیایه کلنجه
 بونلر هپ اجنیدن کلیور . باکویی روسیه نك ائفعال مراکز اقتصادیه سندن
 یابان پترول ، آلا آن اوقدر فنا بر صورتده چیتارلیور که قسم اعظمی ضایع
 اولویور . آمریقاده ایسه مایع و غاز طولانیاهرق ، قوللانیاهرق بر شی
 ضائب ایدلر . روسیه ده شمن دوفر فنا اولدینی کبی یوللرده آبی بر حالده دکلدیر .
 حکومت کندیسه لازم اولان شیلرك قسم اعظمی ینه اجنبی به سپارش
 ایدیور . کورولویور که روسیه ده یاپیلدینی کبی غیر طبیعی برانکشاف و توسع
 امید ایدیلن نتایجی هیچ بر زمان حاصل ایتمز . چونکه طبیعت تضیق
 ایدیلیرسه بویه اولور . بو عدم موفقیت اساساً روسلر کبی زراعی جمعیتلرده
 تکامل صانت و تجارتك ناصل حصوله کله بیاه جکنی پك کوزل تعین ایدر :
 بر مملکتك صانتکار اولایلمه سی اول امرده اوراده زراعتك پك زیاده
 ترقی ایتمه سنه وابسته در . بوسابه ده اول بعض صنایع زراعیه کندیلمکدن
 تولد ایدر . مثلا حیواناتدن راقی یا بقی ، نباتات ایقیه دن منسوجات اعمال
 ایتمک کبی . محصولات صناعیه نك اساسی زراعتدر ؛ بو ، طوبراغك فضلّه

محصولاته بر مخرج آحق ایچین میدانه چقار . بوکون روسیه هنوز صنایع زراعیه دوره‌سنده در . دیگر بر ایکجی قانونده بر مملکتک تجار اولماسی صاعتک توسع و ترایدینه وابسته در . تجارت محصولات معموله‌نی اخراج ایتک احتیاجک نتیجه‌سیدر . آمریکا حکومتات متحده‌سی حال حاضرده ایسته بو صفحه‌ده در . اون طقوزنجی عصرک نصف اونته قدر آمریکا بیه تماماً زراعی بر مملکت ایدی . بالاخره زراعتک ترتیبی صاعتک توسخی انتاج و اوده تجارتک ترقیسنه باعث اولمشدر . روسیه‌ده ایسه بو اوچ شی دفعه قوای عمومیه‌نک مدافعه‌سیله ، اوامر و نظامانه بر صورت غیرطبیعیه‌ده توسیع ایدلمکک تثبث ایدلدی .

عنصر اجنبی روسیه‌نک موازنه‌سنی سریع بر توسع و انکشاف ایله اخلاص ایدرک اون و قتلدن اول یتیشمش بر میوه کبی یامشدر . بوکون روسلر بر تعجب اجتماعیدن مضطربدرلر .

روسیه بر طرفدن مؤسسات قدیمیه مربوط اولدینی حائده دیگر طرفدن ده اُلّه مفراطانکارک طرفداریدر . بر جیتدن جمعیات غربیه به نسبتله کزیده ، دیگر جهتندن طریق تبدلات و اختلالات خصوصنده ده هپسک ایلریسنده در . او هم ساکن بر صویه و همده فوران ایدن بر ووقاقانه تشبیه اولونابیلیر . او « مقدس روسیه » اولدینی کبی آثارشی و نهیلز مکده مرکزیدر . فقط غربده صنوف سفیله اختلالجی ، طبقه‌بالا منسوبینی ایسه محافظه‌کاردر . روسیه‌ده کیفیت بر عکسدر ؛ خلق محافظه‌کاردر ، صنوف عالیله اختلاجیدر . کویلیلر چاره پرستش ایدرلر . حال بوکه تولستوی ، میلویتین ، پرنس قوروپاتکین ، تورکهنیف ، هارزن ، پی‌یه‌ر لاوروف کبی طرفداران انقلاب هپزادکاندن ، متفکریندن و اصحاب ثروتدن کیمسه ندردر . بوخسته‌لغک سببی روسیه‌نی وقتندن اول آوروپالیلاشدیرمق ، مراحلی نظر دقه آلامقزین قوانین تکامله صور مختلفه ایله تجاوز ایدلمه‌سیدر . وجود اجتماعی‌ده وجود بشر کیدر . حفظ الصحه قانونلرینه رعایتسزک خسته‌لغی

دعوت ایدر . روس حکومتی جمعیتی کمال سرعت و شدتله تبدیل ایتک ایچین بر اردوی مأمورین تشکیل ایدرک بورایه زادکانی ده صوقدیلر . زادکان ایشه بوصورتله کویلیلردن آیرلدی ؛ حال بوکه اونلر مالکانه لرنده زراعتک توسع و ترقیسه چالیشورلردی . بو حال هم کویلی و هم ده زادکان ایچین آبی اولمادی . حیات مأموریت انسانی نادراً صاحب ثروت ایتدیکندن زادکانک قسم اعظمی نتیجه ده زنکین ایکن فقیر اولدیلر . اسکی موقع اجتماعی و مالی ریخه ظائب ایدن بو آدملر خسته لغه اختلال ایاه چاره ساز اولمق خویلاسته دوشدیلر . حال بوکه اختلالات ایاه خسته نقلر آیلشه جگاری یرده بوس بوتون کسب و خاست ایدر

اسلاولرک اکثرینک هنوز بر شخصیت ملیه لری یوق کیدر . بر چوق زمانلر اقوام غریبه اسلاولره نظر حقارتله باقدقلری کبی قومشولری جرعه نلرده کندیلرینه هیچ بر اهمیت و یرمه مشلدر . احتمالک اسلاولرک تاریخ مدنیت عالمده اوینادقلری رؤک کوچوکلکی موقع جغرافیلرندن منبعث بر کیفیتر . آوروپانک مدخلنده ، اُک اورمانلق بر قسمنده سنه لرله قالدورق آسیادن کلن اقوام مختلفه نک تجاوزاتنه هدف اولمشلر و اُک صوکره دائره مدنیت کیر مشلدر در ترقیات حاضره مدینه ده کندیلرینه بر حصه تقریق ایدمه یین بعض صرب و بلغار محررلری بونی ازمه قدیمه ده آرامیه تشبث ایدرک مدنیت یونانیه نک قسم اعظمی اسلاولرک یادکاری اولدیغنی اثباته چالیشمشلدر . بونوع مدعیات فندن زیاده وطنپرورلکه مستنددر . حقیقت حال ایسه روما و یونان دائره نفوذینک خارجنده قالان اسلاولر موقعلری ، لسان و مذهب لاری اعتبارله ویکلی آوروپانک باشلی مراکز فکریه سنک خارجنده قالمشلدر . کرک مدنیت عتیقه و کرک مدنیت جدیده اونلرسز وجوده کلشدر . روسلاره جنوبی اسلاولر بنای معظم مدنیت بر طاش علاوه ایتدکلری کبی غربی اسلاولرک، لهیلر و چکلرک همتلری ده بوبابده پک جزئیدر . شیهه سز که عرقده نقصان اولان شی دهادکلدر ؛ چونکه اسلاولر غربیه ازمه جدیدی

کشاد ایدن ایکی بویوک حرکتله یول آچشلردر. بو، رهنه سانس ورده فورما ایله قوانین کائناتی کشفده، فکر بشرک حریتی ادعاده مرئیدر. لهلی قوپرنیک غالیه نك مرشدی، چکلی ژان هوسده لوتهرک مبشریدر. یالکیز آلمانلر بویوک آدمیری کندیلرندن عد ایتکده اصرار ایدیورلر.

اسلاولر برزماندنبری مدنیتک لوازم ضروریه سندن اولان شعرله رومانده پک مهم یکیلکلر کوشتمشلدردر. استقباله اسلاولرک آوروپانک تحریات عامیه سنه، تلقیات مذهبی، فلسفه و سیاسیه سته بویوک خدمتلهر ایتیه جکلری نه معلوم؟ احتمالک اسلاولر لاتینلر و جرمنلرکی اوقدرشانی برپاته ئون یاغیق خصوصنده پک کچ کلشلردر. احتمالک ادبیات و صنعتده ادوار قهرمانانه وعلویه کچمشدر. احتمالک علمده قوانین عظیمه کشف اولوندیخندن برخیلی زمان تطبیقات ویا تفرعات ایله اوغراشیله جق. لکن اسلاولره اودرجه نظر حقارتله باقموده دوغرو اوله ماز. مزاج و طبیعت اساسیه اعتباریه اسلاولرده کثریا برشدت، بر حرارت، بعضاًده بر ثبات نزلق، بر طاشقلق کورولور؛ صوکره ذکالرنده بویوک بر قابلیت انحاء، بر الاستیقت واردر که بو خاصه اونلرک هر شئی کال سهولته تقلید ایده بیلمه لرینه چوق یاردیم ایدیور. کندیلری ایجاد ایده جک برده آخرلرینک اختراعاتندن استفاده ایده رک یا شامغه آلیشان اسلاولرده فکر تقلید ملکه غالبه اولمشدر.

تاریخ، جغرافیا، مذهب، اجنبی بویوندوروغی اسلاولری یکدیگریله اراتق امتزاج ایدمه جک بر صورتده تفریق ایتمشدر. پانسلاویرمده پان لاتینزم کی دائرة حقیقه ادخالی غیر ممکن اولان شیلردندر. اساساً بو، آلمانلر طرفندن جرمنه نیزمه قارشى حال مبارزده اولان کوچوک قومیتلر حقنده غریبک وهمنی وعدم اعتمادینی تحریک ایتک ایچین اویدورولش بر قورقو قلدر. کوچوک اسلاو ایرماقلرینک اوقوجه روس دیکزی ایچنده غائب اولغه هیچ میللری یوقدر. نه چکلر، نه خرواتلر، نه صربیلر ونه ده بلغارلر ویستولده کی زواللی لهیلرک مقدراتی اصلا ارزو ایتزلر. بونلرک

مقدس روسیه دن بکله دکاری شی اونک طرفدن یوتولق دکل استقلاللرینک
محافظه ومدافعه سیدر.

روسیه وحدت ملیه اعتباریه تورکیه و آوستریا دن زیاده فرانسه یه
بکزر. روسیه بر موزائیکه تشبیه ایدیلیرسه بونک تملی بالکیز بر ماده ورنکدن
متشکل اولوب چرچیه سی ایسه اقسام متعددده والوان مختلفه دن مرکب
بر نقش ایله مزیندر. اجنبی الاصل اجناس مختلفه روسیه یی اولدقچه قالین
بر کمرله فوشا تمبلردر. مثلاً شمال و شرق شمالی و غرب شمالی جهتلی
فینو آلرله، غرب جهتی آلمانلر، لهیلیر و زومانلرله، جنوب جهتی روملر،
تاتارلر و ارمنیلرله، شرق جنوبی جهتی ده تاتار، قالموق و قیرغیزلرله مسکوند.
اقوام مذکور دنک بعضیسی و علی الخصوص لهیلرله فینو آلر کندی
جنیتلرینی محافظه ایتمه که نه قدر جهد و غیرت ایدیلیرلرله روسلرله بونلری
روسلاشدرمغه اوقدر چالیشمقددرلر. هر حالده اکثریت روسلرله اولوب
بونلر بویوک روسلر، کوچوک روسلر و بیاض روسلر اسملرله اوچ غروپه
منقسمدر. بونلر اصل مملکتک و سطرلرله ساکن و کنارلرینه قدرده
منتشر اولورلر. روسیه طوپراغی کی قومی ده باشلی ایکی آموزجه آیریلیر. بونلر
بویوک و کوچوک روسلر درکه اوصاف و تفائصله شمال ایله جنوب بیتده
حکمر مالان ضدیت ابدیه یی اظهار ایدرلر. تاریخ ده طبیعت کی آیرمالرینه
خدمت ایتشد.

کوچوک روسلر، آوستریا و مجارستانده کی (روتن) (Ruthene) لرله همجنس
اولدقلری حالده، روسیه دنک غرب جنوبی جهته ده یعنی کیف، چریتوف،
پولتاوه و فریقوف ایالتلرله ساکن اولوب، دون و قوبان قازاقلری ده
بونلردندر. کوچوک روسلر ۲۰ میلیون قدر نفوسدن عبارتدر. بیاض
روسلر ایسه ۵ میلیون قدر اولوب لیتوانیه ایله روسیه دنک غرب جهته ده
یعنی غرودنو، ویلتا، مینسک، ویتبسک، موهیلف و اسمولنسک ایالتلرله
بولونیورلر. بویوک روسلر ایسه ۵۳ و یا ۵۵ میلیون نفوسدر. هر نه قدر

کوچوك روسلر اصل اسلاولق اداسنده اولوب كندی لسانلریخ دها فصیح عدايمكده، كرك بونلر كرك لهیلر بویوك روسلری اسلاولاشمش تاتار و فنیو آ افرادندن صایمقده ایسه لرده ، بویوك روسلر قوم حاکم اولق مناسبتیه، كندی لسانلریخ لسان رسمی وادی حکمنه قویوب سائر روسلره دخی قبول ایتدیرمشلردر . بویوك روسلرک دامارلرنده تاتار و فنیو آقانی بولوندیغی غیر منکر و قفالرینك شكلی ایله سیالرنده ظاهر ایسه ده اساسلری ینه اسلاو جنسیتدر . بونلر اکثریت اوزره قیصه بویلی، کنیش اوموزلی، قیصه و قالین بویونلی، قالین بورونلی، کوچوك کوزلی، چیقق یناقلی ویاصی چهره لی آدملردر . چوق چالیشیر و چوق ایچرلر . اک آز اسلاو اولان ایشته بویوك روسلر اسلاو عرقنك اک بویوك مستعمری اولمشدر . تاتار باقیری ویافنیو آ قورشونی ایله امتزاج ایتمه سندن روس معدنی صافیتدن غائب ایله دیکنی متانت جیتندن قازانمشدر . دها صبور و دها زیاده فکر تعقیبه مالکدر . احتمالک بواختلاط و امتزاجدن بویوك روسیه بوتون رقیلرینه غلبه ایدهرک ایمراطورلغك نوه سنی تشکیل ایتدی . کوچوك روسلرایسه دها اوزون بویلی، دها ایجه اعضالی، دها دوز کون چهره لی اولوب عمومیت اوزره کوز و صاچلری سیاهدر . بونلرده اقوام سائر ایله اختلاطدن عاری اولدقلریخ ادعا ایدهمیوب برچوق وقت تحت حکملرنده بولوندقلری لهیلرله، تاتارلرله قاریشمشلردر . کوچوك روسلر هر نه قدر دها ذکی و دها حیسانلی آدملر ایسه ده زخمته اوقدر متحمل اولمایوب، بویوك روسلر کی سرباده و سائر اقالیم بعیده و بارده ده اسكانه مقتدر اولامامشلردر . و قیله لهستانه تابع اولان بو کوچوك روسلر، غربك تحت تأثیرنده قاله رق اون یدنجی عصره دوغرو آوروپا ایله موسقو بیتنده بر خط اتصال خدمتی کورمشلردر . بیاض روسلر ایسه هپسندن زیاده خالص اسلاو اولدقلری حائده، عجباه دن زیاده کری قالمش، طول مدت لهلی زادكانك تحکمی و یهودیلرک مزاججه جیلین آلتنده ازیلمشلردر .

بونلر پك قيصه بویلی ، كوچوك وباصیق بورونلی، بیاض كوزلی، پك آچیق و سیرك صاچلی ، حلیم ، مطیع و دائمی صورتده حاللرندن مایوس آدملر در . غرب اسلاولری رومانك ، شرق اسلاولری ده بیزانك تحت تأثیرنده قالمشلر در . آزالرنده کی ضدیت بوندن طولانی در . بوضدیت ایکی بویوك اسلاو قومی عصرلره یكدیكرینه هجوم ایتدیرمیشدر . لهستان ایله روسیه نك مبارزه اخلاقیه و مادهیه نك بویولده برسیبی عناصر مدنیتدن معدود اولان مذهب ایله خط و قویملرینك براولاماسیدر .

روسارك لسانی بلغارجه و صربجه ایله برابر اسلاو السنه نك جنوب شرقی شعبه لرندندر؛ اسکیدن ایکی شعبه یه منقسم ایدی . لسانلری شمال و جنوبی اوله رق ایکی یه آیریلوب جنوبی شمدیکی كوچوك روسارك و شمالیسی بیاض روسارك ساكن بولنقلری یلرده سویله نیوزدی . موسیقوه پرنسلی تشکل ایتدكن و روسیه نك غرب جنوبی قسمی لهیلرک یدبضنه كچدكن صوكره ، روس لسانی بویوك روسارك سویله دككری شرقی و كوچوك روسارك سویله دككری غربی شعبه لرینه منقسم اولوب ، بویوك روسارك لساننده فینو آ و تاتارلرک شیودسی ظاهر اولمقاه كوچوك روسارك سویله دككری لسان دها فصیح ودها شاعرانه قالمشدی . آنجق بودله لسانندن پك چوق اصطلاحات و تعیرات آلمش ایدی . اونجی قرن میلادیده روسار خریستانلی قبول اتمكاه ، « کیریلوس » اسمنده برپاپاسك رومجه و لاتینجه یه تقلیداً ترتیب آیلهدیکی حروف مخصوصه ایله اسکی بلغار لساننه ترجمه آیلهدیکی انجیل و سائر کتب دینییه بولسانده اوقومغه باشلامشاردی . بناء علیه اسکی بلغارجه روسارك لسان مذهبی و ادیبی حکمنه كچوب ، بومناستنه کندی لسانلرینده ده اسکی بلغارجه دن بر چوق تعیرات و اصطلاحات قاریشمشدی .

اصل روس ادبیاتی بیوك پتروزماننده باشلاوبوب، قاتمیر، تردیاقوفسکی، سومارو قوف، لومونوسوف، فون ویرنین، درباوین، ژو قوفسکی، پوشکین،

لرموتوف ، غوغول ، غريمويدوف كېي شاعرلار و نھايت تورگنېف ،
 دوسنوفسكى ، تولستوى ، نغراسوف كېي حكاىيە نويس ادىبلار روسىيە
 لسانىيە آرزمان ظرفندە مكمل بر ادبيات قازاندىر مشلردر . كرك بو
 آثار ادبيە و كرك علوم و فنون و هر نوع محركات رسمىيە بويوك روسلار
 لسانىيە يازمىلار ، بولسان بالطبع كسب تفوق ايدوب بوتون روسلار
 لسان ادبى و رسمىيىنى حكمنه كچمش و هر نه قدر « شوچقو » كېي بعض
 شاعرلار كوچوك روسلار لسانىيە كچمش ، دها فصيح ، دها لطيف اولادىغى ادعا
 و بولسانىيە يازمىش بعض شاعرلار دكچمش غلبه ايدمە مشلردر .

— مابعدى وار —

احمد شبيب

